

ՎԱՀԱՆ ՏԵՐՅԱՆԻ ՀԱՅՏՆՈՒԹՅՈՒՆԸ

(ծննդյան 100-ամյակի առթիվ)

ՍԵՐԳԵՅ ՍԱՐԻՆՅԱՆ

«Եթե դուք դիտեք մեր վերջին տարիների կյանքը, չեք կարող չնկատել, որ այնտեղ կատարվել է և մասամբ կատարվում է մի խոր հեղաշրջում: Չեմ ուզում այժմ համեմատել մեր ներկայի կյանքը մի երկու տասնյակ տարով մեզինից բաժանված կյանքի հետ: Համեմատեցեք մեր այժմյան կյանքը նախահեղափոխական կյանքի հետ, ներկա դարու սկզբի տարիների կյանքի հետ և դուք կտեսնեք, թե որքան հեռու են նրանք իրարից, որքան տարբեր, որքան միմյանց ժխտող»¹, — այսպես Տերյանն ընկալեց 1905 թվականը, որ՝ Վ. Ի. Լենինի բնորոշմամբ նշանավորում է մի «ամբողջ դարաշրջանի վախճանը»: Սակայն «կատարվող տնտեսական-քաղաքական և կուլտուրական հեղաշրջումը» Տերյանի համոզմամբ վերահաս ու գալիք վերափոխությունների «նախբանքն է միայն», որ գուշակում է ազգեղի ու մարդկության բանական վերածնունդը: Բուռն տեղաշարժերը սրում են Տերյանի ուշադրությունը իր շուրջը կատարվող իրադարձությունների հանդեպ, նոս հետաքրքրությունները մղելով հասարակական գիտությունների ոլորտը: Ուսումնասիրում է քաղաքատնտեսություն և պատմական մատերիալիզմ, փորձում կռահել հասարակական զարգացման օրինաչափությունները, ձգտելով զգացմունքի սոցիոլոգիայի «ռեմանտիկական խոյանքն» ու «մեղանկատն խոհականությունը» հալթհալթել երևույթների գիտական իմացությունը, ուր ստուգվում է «գեղեցկության անհրաժեշտորեն բանական լինելը»: Սոցիումի գիտական ճանաչումը որոշակի խմորումներ է առաջ բերում նրա պոետական զգացողություններում, նրա հոգեկան բռնկումները տոգորելով քաղաքացիական մտտիփնների արձագանքով: Իր «արյունոտված սիրտը» նա պարզում է արդարության ձայնին՝ «Որպես մի նոր խաչ Մի նոր Գողգոթա», իր «կիզված խոհերը» նվիրաբերելով նրանց, ովքեր տվալսում են խուլ խրճիթներում ու «ցուրտ նկուղներում», ովքեր բախտ են որոնում «ալեկոծ շուկաներում» կամ տառապում են «շիրիմամուծ հանքերում»: Խորին կարեկցությամբ համակված դեպի «կյանքի որբերը», Տերյանը գթության աղբյուրներ է հղում «բախտից հալածվածներին»՝ «Եկեք իմ գիրկը գուրգուրեմ ես ձեզ, Մենակ ոգիներ...», և միաժամանակ նրանց արտերում բորբոքում «հատուցման տոնը»: Մոայլ քաղաքի ժխտում «համաշափ դարկով» աղմկում են «պողպատե դեբերը», իսկ կոշտ երկաթների «դժկամ լեզուն» հռհռում է մի «դժնդակ երգ»: Զնդանների ու բուրգերի անողոր շարությունից «մեռնում են երգ ու սեր», բայց «զարթնում է ահավոր մի ցասում», որ զալստյան զանգերի պես ավետում է հատուցման ժամը, քանզի նկուղներում ու ներքնահարկերում ձևավորվում է «մի ահեղ ցիկլոն», իսկ օրգիաների ու խնջուլքների «լպիտը քառսում» վրեժի դաշյունն է սրում մի «ալ-ուրվական»: Սիրո երգի, անրջանքի, վալսլքի ու հուզման ներանձնական փնքնաբաժ զգացումները տեղի են տալիս արդարության, ազատության և իրավունքի բարոյական նվիրումին ու բանաստեղծը վանելով իրենից «համբորեն լացող» աշնան նավագները, արտասանում է «կովի առաջին հնչյունը»:

Այսպես հայտնվեց հեղափոխության ուրվականը Տերյանի առաջ: Եվ սակայն ժամանակների անջատումը անցյալի ու ներկայի միջև խոր ճեղք առաջ

1 Վ. Տերյան, Երկերի ժողովածու, հ. 2, Երևան, 1961, էջ 277:

բերեց բանաստեղծի հոգեկան աշխարհում և նա շվար մնաց ապագայի անորոշության առեղծվածի հանդեպ: «Անցյալն ինձ համար մեռավ, Ես ողջունում եմ ապագան, բայց չգիտեմ, թե ինչպիսին կլինի այն»։ «Ինձ սարսափեցնում են ապագայի հեռանկարներն ու հեռուները», դրում է Տերյանը 1907 թվականի նամակներում, կարծես նախազգալով այն դժգոհումները, որ պիտի փրճակվեին հայ դեմոկրատ մտավորականությանը դեռ երեկ փայփայած, սակայն սոցիալական-աղատագրական հեղափոխումների համաշխարհային-պատմական հեռանկարների մեջ դիմադրկվող փոքալի՝ ազգային ռոմանտիզմի և «ազգային հեղափոխության» պատրանքների փլուզումից: Հումանիտար-ուստոպիական տամոնքներից ձուլված և բարոյական ներհայեցողությամբ ըմբռնված նրա սոցիալիզմը պիտի զգաստ պահեր անկումայնության ու դիմադարձության ախտից, սակայն անկարող էր կանխելու նրա հոգեկան ճգնաժամը մարդկային արժեքները ոչնչացնող իռացիոնալ իրականության հանդեպ: Տեղի է ունենում անջատումը, անցյալը հառնում է որպես գեղեցիկ հուշ և կորսված երազները բանաստեղծի խոհերը տանում են դեպի հեռավոր ու անհայտ եզերքներ:

Ես անջատված եմ հայրենի ճողից,
Հայրենի տունըս իմ սրտին օտար,
Ինձ այրում է միշտ մի անհագ քափիծ,—
Հավիտյան դյուրող անհայտ ճանապարհ:

Հրաժեշտի մորմոքներում խզվում է եղելությունների շղթան և բանաստեղծը փորձում է հուշերի մեջ ներհյուսել ընդհատված պատմության բեկորները, բայց գիշերոնների թանձրությամբ մթագնվում են հուշերը և միայնության թախիծը արձագանքում է «հիացումի մի շշուկ», որ պատմում է՝ «Երազներս, երազներս, որ անցան»:

Հրաժեշտ— անջատում— մենակություն— կարոտ՝ հոգու կեցության այս վիճակներից է Տերյանը հյուսել «Մթնշաղի անուրջներ» (1908) բանաստեղծական շարքի գեղագիտական-փիլիսոփայական կոնցեպցիան: Մենախոսությունների շղթան կապակցում է տառապանքների, երազների, կորսված հուշերի սիմֆոնիան և հոգու նվագներն արձագանքում են անանց թախիծով և «հոգեմաշ հուսահատությամբ» ծանրացած «այս տխուր երկրի» ռեքվիեմը: Տիեզերական այս թախիծը բեկվում է բանաստեղծի հոգում, նրա ներաշխարհը ալիկոծում տառապանքի ու անկման հիվանդագին տագնապներով՝ «Իմ մեջ սառել է հիվանդ մի կարոտ, Եվ չըգտնեի ու տանջանքը մաշողը»: Դրսում աշնան տրտմություն է թանձրանում, մշուշոտ իրիկունները մահացող բնության թախիծն են լալիս, ամպոտ երկինքը մեռնող լույսերի մարումն է սգում՝ երջանկություն հույսերը թաղելով անջատման ցավի մեջ և ամեն ինչ դառնում է յուրաքանչյուր, անիմաստ ու անկապակից: Անտարքեր աշխարհն սփռվանք չունի, սիրտը խամրում է միայնության ցուրտ անձամներում, իսկ խորհրդավոր լուծությունն այլ բան չի հուշում, քան հիվանդ հոգու դառնադեմ մրմունջը: Եվ երբ վերջին հույսերն են մարում, մենակությունն արձագանքում է հեռացումի և մոռացումի վհատ թախանձանքը:

Ոչ տրտունջ, ոչ մրմունջ ազավոր,
Հեռացիր, մոռացիր ինձ հավետ,
Իմ ուղին միշտ մթին, մենավոր,
Կըգնամ իմ դժկամ ցավի ճեռ:

Բանաստեղծի հոգին պաշարված է «ինչ-որ անուրախ անհանգստությամբ», միատիկ մի նախազգացում վանում էր նրան «անցած լույսերից», քանի որ տանջող է «հիվանդ հոգու տառապանքը», իսկ երազների արշալույսը՝ առհասարակ փակված՝ «Իմ հոգու համար չկա արշալույս— Անձրև է, աշուն»։ Բայց հուշերի մեջ վերստին հառնում է երջանկության հովտի դյուլական տեսիլքը, ուր «քնքույշ լույս կար», «չմեռնող մի կյանք» և խաղաղությունն էր հավերժանում բնության կախարդական հեքիաթում:

Արդյոք ճիշդ՞ւմ ես. երկիրը պայծառ
 ժպտում էր սիրով հավիտենական.
 Գաբունն էր երգում ծայնով դուրական
 Արդյոք ճիշդ՞ւմ ես. առու էր, առետա...

Նրբ հուշերը ցավ են արձագանքում և «հիվանդ սիրտը» սուղվում է «մոռացումի անձավում», արդեն երանելի է թվում մթնշաղը, ուր ամեն ինչ ձուլվում է «կապույտ մութի աշխարհում», իսկ անեզր ու խորհրդավոր կյանքը դառնում է «մի անսահման քաղցր նինջ»։ Սկիզբ է առնում անկումը և Տերյանի ներաշխարհում լսելի են դառնում շարագուշակ նախազգացումներ՝ «Կանգնած եմ մոռյլ վիհի եզերքին», «Գազաթեններից ես ցած իջա Անդունդները սիրտ մաշող», «Լենուրջներս երկնածին գնացին, գնացին...»։ Թվում է, թե պետք է տեղի ունենար ներքին հաշտեցումը, սակայն հոգու տեղատվությունը վերստին ճեղքվում է կարոտների քաղցրությամբ, սիրտն արթնանում է զգացմունքի տրոփից և խաղաղ գիշերների միայնությունը ցողում սիրո անփոխարինելի դգվանքով։ Թող ող մաշող լինի անջատման ցավը, թող որ ցուրտ ու անարև օրերում ծաղիկները դալկանան, բայց կա սերը, կա «հրաշք աղջիկը», որ «անակնկալ բախտի նման» վառում է հոգու լույսերը և «մոռացության մի ակնթարթի» մեջ ընդգրկում կյանքի հավերժության հեքիաթը.

Խողաղ գիշերով դու կգաս ինձ մոտ,
 Գե՞նուշ ձեռներդ ես կըհամբուրեմ,
 Կըցրեմ կյանքի հույները ցավոտ
 Ու հեփաբային լույսեր կվառնմ...

Պայծառ աշխարհում կլինե՞մ մե՞նակ,
 Ցավ կյանքի մե՞նոդ լույսերից խաբված,
 Կերագե՞նք աճուշ, աճվի՞րջ ու աճե՞ազ,—
 Հեփաթ աշխարհում առճավես կապված...

«Մթնշաղի անուրջները» մարդկային կենսազգացողությունների բանաստեղծական արձագանքների մի անկողնելի մատյան է, հույզերի անշափելի խորություններ, խոհերի փիլիսոփայական հագեցվածությամբ և հոգեկան ուսուցումների միանգամայն կենսագրական բաղադրումներով։ Աշխարհն այդ արձագանքներում գծազրկում է մշուշապատ ստվերների ձևով, ամեն ինչ ընկղմվում է մթնշաղի մեջ և կյանքը դառնում է անուրջ։ Շողերը մեռնում են սառի ետևում, դաշտերը ձուլվում են կապույտ մեգի հետ, և տխուր երեկոն իր չլրանն է զարկում աշխարհի վրա։ Ամեն ինչ ստանում է խորհրդավոր կերպարանք, սիրտը լցվում է սև տագնապներով և կարոտի կանչերը խլանում են հեռավոր աստղերի անհաս երկնքում։ Աշունը, քամին, անձրևը ցրտությամբ են պատում աշխարհը, մահվան տագնապ է զգում սիրտը և խռոված հոգին ձրգտում է դեպի անեզերքի ու անլախճանի լուսե հովիտը.

Հեռու երկրի լուսե հովտում
 Օրերն ուրիշ երգ են հյռում,
 Կյանքից հագնած սիրտը տոտում
 Այն երկիրն է միշտ երագում:

Սակայն մինչև հեռու երկրի լուսե հովիտը մի անանցանելի անդունդ է բաժանում, ուր Տերյանին պիտի վիճակվեր մեղքերի ու զղջման տառապանքի քավարանը։ Կար ժամանակ, որ հուշերը ռոմանտիկական անցյալում գեթ օրորվում էին հոգու արժեքների ձգող կարոտով, սակայն այժմ արդեն մարել են «հուշերի երկրի» ձայները, վրա են հասել առանջանքի գիշերները, «մենություն և անհուսության մթին վիհների» հուշերն ու երազները դարձրել «նենգալի շար և ալյանդակ», սերը դավաճանել մերժումի քամահրանքով՝ «ինձ չես սիրում, ուրիշին, Ուրիշին ես սիրում դու», աղավաղել հայրենական տան հեռա-

պատկերը՝ «Ավերված երազ— Հայրենական տուն» և դարձի հույսերը թաղել հավիտենական անծնոթով, քանզի մեռած հոգում «Անդարձություն է հիմա,— Զրկա դարձի արահետ»։ Անդարձության հոգեբանական այս տեղումներն է պոետականացնում Տերյանը «Գիշեր և հուշեր» շարքում։

Մինորալին տրամադրությունների մեխանիզմով նվազներում սովալյաում է նուրբ ու զգայուն հոգու ցավը, որ որոնում է լույսը, բայց չի գտնում, ձգտում է սիրել, բայց չի կարողանում, քանզի «Տանջանքի գիշեր (է)» — և չրկա եզերք», «Գիշեր է և լուսություն», «Անանց խավար է արդեն» և չարագուշակ ու ահաստար-ստու այս հավիտենական մղձավանջում քամին երգում է հուսահատության լալկան մեղեդին։

Նվ անպատմելի ցավով է լցված
Այդ երգը անանց հուսահատությամբ.—
Մյին գիշերում իմ սիրտը խոցված,
Լացը հուսաբեկ ավերված իմ տան...

Նրգում է քամին, լալիս է նորից,
Անհույս ու անվերջ մղկտում է նա.—
Այս մութ գիշերում այնքան կա թախիծ,
Այնքան տրտուիչ ու զանգատ կա ճիմա...

Խոր իմաստ է հայտնաբերում թախծի էսթետիզացիան Տերյանի պոե-
ղիայում։ Հոգու կեցության այդ նախաստեղծ վիճակը կարծես դառնում է աշ-
խարհի իմացության մի յուրօրինակ ձև, ինքնագիտակցման ու ինքնավերլուծ-
ման փիլիսոփայական մեկնակետ։ «Նվ թախիծը,— գրում է Տերյանը 1907 թ.
մի նամակում,— Հենց որ իշնում է ուշ աղջամուղջը, գյուղը լուռ է, իշնում է
իրոք գերեզմանալին լուսություն, որը երբեմնակի խախտվում է շների հաշոցով։
Թվում է թե գերեզմանատանն ես ապրում։ Ահա հենց այդ ժամանակ է, որ
անտանելի ծանր է լինում և հոգիդ պարուրում է ճմլող, կուրծքդ ցավելու աս-
տիճան սեղմող թախիծը։ Նվ թվում է գիշերը վերջ չունի... Թախիծ։ Անդրշիրիմ-
յան լուսություն։ Անվախճան գիշեր։ Ինձ թվում է, թե դարեր եմ ապրել»²։ Տեր-
յանը որոշակի էր տեսնում այն, ինչ կատարվում էր դրսում, թե «անհաստատ»,
«անուղի» օրերի տաղտուկը ինչպիսի ավերածություններ էր կատարում հա-
սարակական մտայնության շերտերում՝ տարածելով հուսալքություն և ապա-
տիկան՝ դարի այդ «սարսափելի հիվանդությունը»։ Այստեղ էլ իտացիոնալ իրա-
կանությանը հակադրելով ներարժեք անհատի հոգեկան ինքնաբավ բռնկում-
ները, նա փիլիսոփայական իմաստ տվեց թախծին, կենսաբանական էմպիրիկ
ու անպատճառ զգացողությունների մեջ հայտնաբերելով կեցության մի ուրույն
էրանելի վիճակ։ «Սա փախչում էի առանձնությունից ու մենությունից,— գրում
է Տերյանը,— որոնք այնպես սիրում եմ տրտմության րոպեներին։ Դա սար-
սափելի Թախիծ էր։ Դուք հասկանո՞ւմ եք ինչ բան է Թախիծը։ Պատճառա-
զուրկ, անել, խոր, ծանր Թախիծը։ Դուք հասկանո՞ւմ եք։ Դա գրեթե ֆիզիկա-
կան ցավ է պատճառում։ Ամենուր նա է, հասկանո՞ւմ եք, նա ամենուր է՝ իմ
մեջ, իմ շուրջը, իմ վերև, ամենուր»³։ Այսպես հայտնվում է հոգու ներվաճան,
որ մենությունն արդեն սարսափելի չէ, քանի որ «ուրախալի թախծի կամ թախ-
ծոտ ուրախության» համակումները միաձուլվում են «տիեզերական ներդաշ-
նակության հետ»։ Տեղի է ունենում նյութի անէացումը, ֆիզիկական եսը կորց-
նում է ժամանակի ու տարածության հետագիծը («... ինձ թվում է... որ արդեն
իրականության մեջ ինձնից մնում է միայն ինչ-որ մեխանիկական բան, ալ-
սինքն՝ ես չեմ լինում...»), հայտնվում է մահը, արդեն ոչ իբրև անդարձ վերջա-
վորություն, այլ որպես ճանաչման սկիզբ, բացարձակի ու հավերժականի

2 Վ. Տերյան, Երկերի ժողովածու, հ. 3, Երևան, 1963, էջ 178:

3 Վ. Տերյան, Նամակներ, Երևան, 1971, էջ 70:

փոխաձևություն, վերին միացնող ոգու իմաստություն՝ «Միայն մահն ու սերը կարող են կապել մարդկանց, մնացյալ ամեն ինչը տարբերում, բաժանում է...»⁴ Անսահմանի, հեռավորի այս եզերքներում արդեն նշմարվում է ժլտահեղեն մի երկիր», ուր կյանքը հրաշք է և առասպել.

ես գիտեմ լուսեղեն մի երկիր,
ես գիտեմ դյուրական մի հովիտ,
Ուր հոգին բափում է վշտակիր
Իր րևերն ու հազնում է ժրպիտ:

ես գիտեմ մի բովիշ առասպել,
Ուր ողջ կյանքը հրաշք է դառնում.
—Քո անուշ անունով միշտ արբել,
Եվ հրգով, որ քնով չի մեռնում...

Լուսեղեն այս երկրի հայտնությունն է, որ Տերյանը կատարեց «Ոսկի հեքիաթ» շարքում: Հայտնության երկիրը խորհրդավոր է ու անեզերք: Անամպ երկնքի արևոտ հեռունքում աղոտանում են անցյալի ստվերները, մոռացության տալով խավար գիշերների տանջող հուշերը: «Անհուն երկնքի կապույտ աշխարհում» աստղերը կարոտի երգեր են հյուսում և սրտերն են ջերմանում հանդիպումի ըղձանքով: Չկա հոգին կաշկանդող ոչ մի կապանք, աշխարհը թինջ է և գուլները պայծառ ու ժպտացող: Միանում են ընդհատված պատմության թեկերը և բանաստեղծը գտնում է իր կորցրած արժեքները.

Բացված է արդեն ուրիշ մի երկիր,
ես այստեղ եմ, բայց ուրիշ եմ հիմա,—
Ոսկի հայացքով կախարդել է նա,
Այլ սիրով լցրել հոգիս վշտակիր...

«Ոսկի հեքիաթի» լուսեղեն երկիրը սիմվոլիստ — թեուրգի (Բլոկի արտահայտությունն է) ստեղծած հակաաշխարհն է, ուր բանաստեղծը փոխադրում է իր երկվորյակին, որը և «թուփիշ առանձնատան» մեջ իր կյանքը դարձնում է արվեստ, շրջապատում իրեն հովանավոր միջերով և հյուսում իր գոյության առասպելը:

Դանթեական մի սիստեմ կա Տերյանի բանաստեղծական շարքերի կառուցվածքում: Մենության խավար գնդանը յուրօրինակ բանտ է, ուր անհատը տվալտում է անջատման ցավից, ապա մաքրում իր էությունը գիշեր-հուշերի օտանջանքի քավարանոթում (էգ. Թուփյան) և ի վերջո ապաստան գտնում տիեզերական ներդաշնակության ռոսկի հեքիաթում: Պոետական սիստեմի ալեգորիան գծում է տառապանքի ու փրկության ուղին՝ Անդարձությունից դեպի Վերադարձ: Ինքը Տերյանը միանգամայն որոշակիորեն գիտակցել ու վերլուծել է տատանումների այն սահմանը, ուր հատվում են էմպիրիկն ու փիլիսոփայականը բանաստեղծական իր տրամադրությունների հոսքում: «Անտարբերությունն ինձ համար անհասկանալի է, քանի որ ես կենդանի եմ»⁵, ասում է Տերյանը, միանգամայն հաստի դիրեկտվ անհատական կամքի ինքնագիտակցման արժեքը՝ հաղթահարելու բնավորությանը արդարացվող («Հիմա ամեն ինչ բարդում են «բնավորության» վրա») ինտելիգենտական թուլությունն ու թուլությունը: «Ամենքի շուրթերին, աչքերում, քայլվածքի մեջ, ամեն, ամեն ինչում այդ բառն է՝ ապատիա...», ասում է Տերյանը, օբյեկտիվ պատճառներից դուրս կշտամբելով ռատիլիտար-սպառողական հոգեբանության սուբյեկտիվ ծծվածքը, որը չի ուզում նշմարել «ուղին», այլ՝ «տեսնել սոսկ նվաճումը»։ «Ամբողջ կյանքում անըջըր ճղճիմ բան է, բայց թախծի ու տրտմության պահին առանձնանալ և մենության հովանու ներքո լալ ու անըջել՝ դա հոգու պա-

⁴ Նույն տեղում, էջ 213:

⁵ Նույն տեղում, էջ 206:

հանջ է, նույնքան անհրաժեշտ, որքան սնունդը: Մենություն անապատից լի-
րադառնալ մարդկանց մեջ նորոգված ու լուսավոր, սերը սրտում և կյանքի,
աշխատանքի ծարավով: Այսպես էլ Տերյանը կատարում է հոգևոր կենսա-
գործության իր շրջանը բանաստեղծական շարքերի տրամաբանական (բայց ոչ
ժամանակային-պատմական) շղթայի մեջ առնելով Անշատման—Անդարձու-
թյան—Հայտնության— և Վերադարձի գեղագիտական— փիլիսոփայական
արժեքները:

Վերադարձի զգացողությունները Տերյանի քնարական նվագներում միան-
գամից գտան պարզ ու անմիջական արտահայտչականություն, Առարկայա-
կան աշխարհի գծային համալսականությունն ու գույների անսկզբի ներդաշնա-
կությունը ձև են առնում հայոց միջնադարյան տաղերի ու հայրենների տա-
ղաչափությամբ և իր թաքուն խոհերից, սրտի նվիրական զեղումներից, զգաց-
մունքի բռնկումներից բանաստեղծը հյուսում է պոետական իր ներշնչանքները
«Ոսկե շղթան»:

Մաղկել է ճռից իմ այգին,
Մեռում իմ գարուն է աղմեկ,
Սիրում եմ այնպես քեզ ագին,
Սիրում եմ, բայց ու՛մ—չգիտեմ...

Բնությունը արդեն տրամադրող է ու հմայիչ, հոգին ազատվում է կաշ-
կանդումներից և զգացմունքները դառնում են մեղմ, նուրբ ու մտերմիկ: Կյան-
քը հոլովում է իր ընթացքը, աշխարհը նորոգվում է խնդրությամբ, մենության
անուրջի անհույս երազներն ու ապարդյուն կարոտները տեղի են տալիս վայել-
քի, արբեցումի և մոռացության արթնացումներին, քնարական հիասքանչ
էություններում տողանցելով հոգու բռնկումների հարատև արձագանքներ.

Արեգակը ծովն է իջնում,
Ցողը շողաց դարաթիւն,
Սարի լանջից հովն է փչում,
Աստղը շողաց կամարին:
Անճառելի վայելչությամբ
Իշավ տխուր իրիկուն,
Արևմտաբլուզ մի ռսկի ամպ
Ցնորում է ու խռկում:
Իմ քայլի՞ծն էլ այն ամպի պեծ
Ցնորում է քեզ աքար,
Բոցավառվում ճիշդով քեզ
Եվ արտասվում քեզ համար:

Նոր են ոչ միայն տրամադրությունները, արտաքին աշխարհի գունային
նրանգները, այլև չափը, ուրիշը, սեմանտիկական կարգը: Տերյանը հայտնա-
բերում է անհատի հոգևոր ինքնաստեղծման բազմաթիվ քանակներ, շարա-
յին միանվագությունը զուգորդելով ներքին օղակների սինխրոն ու բազմա-
պլան ներհյուսումներով: Գեղագիտական-փիլիսոփայական ամբողջություն ներ-
կայացնող շարքերի հետ («Ոսկի շղթա», «Կատվի դրախտ», «Երկիր նաիրի»),
բանաստեղծական ժամանակագրությունը լրացվում է կենսագրական հատ-
վածների քնարական ինքնաբավ արտազեղումներով («Տրիտլետներ նվարդին»,
«Տրիտլետներ», «Իմ բալիսին», սիրային նամակ-խոստովանություններ, հեղա-
փոխական երգեր և այլն), որոնք ընդլայնում են ժամանակաշրջանի հոգևոր
ամբողջ փորձի գեղարվեստական ընկալումները: Ժամանակի հոգևոր փորձի
մեջ ուրույն նշանակություն ստացավ հեղափոխությունը, որ այս անգամ ար-

դեն հայտնվեց ոչ թե որպես հումանիտար-ուսուցիական ուսմունքներից հյուսված բարոյական ներհայեցողություն, այլ որպես գիտականորեն ըմբռնված սոցիալիզմ: 1917 թվից Տերյանն արդեն Մոսկվայի և Պետերբուրգի մարքսիստ-հեղափոխականների շրջանում էր, թարգմանում է Վ. Ի. Լենինի «Պետություն և հեղափոխություն», «Կարլ Մարքս» աշխատությունները, գրում է «Նամակներ հայ գյուղացիներին ու բանվորներին», «Ինչ է ասում Լենինը գյուղացիներին» հրապարակախոսական հոդվածները, որոնց մեջ հիմնավորում է այն գաղափարը, թե «հայ աշխատավոր ժողովրդի փրկությունը Ռուսաստանի Բանվորական և Գյուղացիական խորհուրդների իշխանության հզորության մեջ է», «սոցիալական ազատագրության տեսակետից ինչ անհրաժեշտություն ունեն «տնտեսության համայնական ձևերը»: Սակայն հեղափոխության արժեքաչափությունը Տերյանը գտավ ոչ միայն իբրև գրում կատարվող սոցիալական շարժում, այլ որպես հոգեկան վերածնության և կամքի ազատագրման խորհրդանշան: Այս իմաստով հեղափոխությունը իբրև ներգզացողություն արտացոլում է բանաստեղծի հոգու կենսագրության դիալեկտիկան, նրա հաղթանակը հին աշխարհի կապանքների հանդեպ («Որ կաշկանդել են մեր միտքն ու հոգին»), նրա հույզերի թարմացումը արթնացող արշալույսների բերկրանքից.

Իմ երկինքը հիմա քացված է,
 Բացված է հուրերի ծով,
 Իմ աչքերը հիմա լցված են,
 Լցված են զվառք ոսկով.
 Կարկաշում են զաբեռն ջրերը,
 Նրգում են քառակ հովեր,
 Արևոտ են զաբեռն օրերը,
 Թևեր ինձ, ոսկի րեւեր...

Ոմանք Տերյանի պոետական աշխարհը ենթարկում են իդիլիկ, վերջավորված, միանշանակ սիստեմի, հարմարեցնելով այն «մթնշաղից-մրկահավ» գծային համաչափությանը, որպես թե «կա միայն մի Տերյան», որ անվերջ քայլել է արդեն հեռվում երևացող հեղափոխության արահետներով: Իհարկե, այս մակերեսային հայացքը քիչ հարմարություն չի ստեղծում իրերի համահարթման համար, սակայն կանխում է երևույթներն իրենց բարդության մեջ հետազոտելու հնարավորությունը: Իրականում Տերյանի միկրոաշխարհը միանգամայն բարդ կառուցվածք ունի, որը նրա ստեղծագործական անհատականությունը որոնումների, հրաժարումների, հեռացումների ու վերսուղարձի տղիներում տրոհել է համարժեք երկվորյակների մի չափազանց հետաքրքիր փոխակերպումների: Այստեղից ինքնին հետևում է մի այլ առանձնահատկություն: Ինչպես բոլոր մեծ բանաստեղծները, Տերյանը ևս ուներ զեղարվեստական աշխարհի իր ներքին օրենքները, որոնք վերացարկվում են սոցիոմի պատճառականությունից և ձեռք բերում ինքնուրույն ձևույթ: Նվ ինչպիսի նոր, իրական արժեքներ էլ ներխուժեն այդ աշխարհը, որքան էլ այն հարստանա կյանքի հոգևոր փորձով, այնուամենայնիվ նրա նախակերտ օրենքների իներցիան մնում է անդիմադրելի: Բանաստեղծն արդեն չէր կարող հաշվի չնստել ադռնալությունների հետ, որովհետև դրանք իր ստեղծածն են, իր անցյալը, իր կենսաբանական էություն հիշողությունը, իր կյանքի պատմության նյութական արժեքները: Դրանով հենց պետք է քացատրել մթնշաղի ու անուրջի արձագանքները հեղափոխությամբ նորոգված նրա պոետական կենսագրության տևողության վրա.

Որքան դեռ տրտունջ, քանի տրտմություն
 Պիտի օրոհեն օրես կրկին,
 Մարմնոքս զոդան խոնջած իմ սրտում,
 Ձուլվեն դառնությամբ լեցուն իմ երգին...

Եվ որքան, որքան պիտի զա վրաց
 Հոգիս, մեծու շափ քախիծ ու խոցում,
 Քանիցս պիտի դողաս անփառատ
 Երկու աշխարհի սանձաճաղձում...

Թախծի հավիտենական կախվածությունը վերստին վկայակոչում է իր սիմ-վոլ-ոնալոգիկությունները, երկրայինը թվում է սոցիալ ու մեղսական և երեակայու-թյունը որոնում է երազ աշխարհը, անցյալը թվում է անիմաստ («ինչ մնաց ինձ-ոսկյա մի ցանց-ուրիշ ոչինչ»)։ «Թույն ու թախիծ» են բուրում հուշերը, ճակատագիրը գուշակում է «դեպի կորուստ», իսկ ապագան տանում է դեպի ահավոր անկում՝ «Օ՛, կրգան օրեր ավելի տրտում Ու դժնի, դժնի, առավել դժնի...»։

Եվ սակայն այն արժեքը, որ Տերյանի ներաշխարհի տոգորումներում մըշ-տապես մնաց որպես հավերժական գոյություն անփոխարինելի մասունք, հայրենիքն էր։ Եթե ըստ բանաստեղծական շարքերի դիտենք նրա հոգևոր կեն-սագրության ստեղծումները Անշատումից մինչև Վերադարձ, ապա դժվար չի լինի նկատել, որ այն յուրովի անդրադարձում է հայրենիքի գաղափարի ուն-լեքսիան։ «Ես անշատված եմ հայրենի հողից, Հայրենի տունս իմ սրտին օ-տար»։ այսպես է տեղի ունենում Անշատումը «Մթնշաղի անուրջներում»։ «Դու չկաս արդեն, դարձել ես զրույց, Երազ ես դարձել— հայրենական տուն», այս-պես է արձագանքում Անդաբձուկյունը «Գիշեր և Հուշերում»։ «Դրոշմել ես բոցե կրնիքը Մեռած իմ հոգում. Դու իմ հավատ, իմ հայրենիք, Դու իմ փրկություն», այսպես է կատարվում հայտնությունը «Ոսկի հեքիաթում»։ «Ու կարոտակեզ ահա կրկին Վերադառնում եմ, որ առհավետ Ունկնդիր լինեմ քո հին երգին...», այսպես է քաջվում Վերադարձի արահետը «Երկիր Նաիրիում»։

Ինչպես հայտնի է XIX դարում հայրենիքի խորհրդանիշը Երկիր Նաիրին չէր, այլ Հայաստանը, որ կլասիցիզմի դրոշմով հայտնվեց որպես «Մայր—Հա-յաստանի» էմբլեմա և փոխանցվեց ազգային ուսմանտիզմին։ Այսպես վեհացավ, ֆիզիկական ու հոգևոր կերպարանք ստացավ XIX դարի ուսմանտիկական Հա-յաստանը։ Սակայն պատմական զալիք իրադարձությունները խորտակեցին ազ-գային ուսմանտիզմի պատրանքները և արդեն դարավերջին հայկական գաղա-փարաբանությունը ակնառու եղավ ուսմանտիկական Հայաստանի փուլ-մանը, իրողություն, որ էլեգիական իր ամբողջ խորությունը արտահայտեց Բումանյանը 1902-ին գրած «Մեծ նախորդներին» բանաստեղծության մեջ.

Երանի էր ձեզ, զովված երգիչներ,
 Դուք երգում էիք վաղ առավոտյան,
 Երբ որ երազներն ապրում էին դեռ,
 Ոսկի երազներն հայի փրկությամբ։

Ձեռք բարձր երգերում կար մի հայրենիք
 Խռիտ, վեճալանձ, քեպեակ գերի,
 Եվ ձեռք ֆնարի ձայներն երգելի՜
 Լիքը հրեշտակով գալոց օրերի։

Ախ, ես հեղուկեց մեր աչքի առջև
 Եվ մեր ըզգայուն սրբաբեր իրեն հետ.
 Ոսկի երազներ՝ մի րածի նման՝
 Մեր անապատում չբացան անհետ։

Ռոմանտիկական Հայաստանի այս փլատակներում է, որ Տերյանը հայտ-նաբերեց առասպելական Երկիր Նաիրին և նրա մասունքներից հյուսեց «բարձր տառապանքի» բանաստեղծական մատյանը՝ ինքնատիպ ու գեղեցիկ ոչ միայն իբրև գաղափար, այլև հույակապ ու անզուգական որպես պոետական հղացում։ «Վերջ ի վերջո ես սկսում եմ գալ այն եզրակացություն, որ մեր հայրենիքի ցա-վը մեզ այնպես է մաշում, ջլատում, կեղեքում, որ մենք դառնում ենք անընդու-

նակ ուրիշ բան հասկանալու կամ անելու: Դա մի հիվանդագին սեր է, դա մի անհաղթելի մոլուկում է—դրա պրիզմայով է բացվում մեր առջև աշխարհը, այդ շափով ենք մոտենում մենք ամեն ինչի և գուցե դրա համար անզոր ենք դառնում և մեռնում ենք վաղ...⁷ Երևույթների անձնականացման սիմվոլիստական հայացքը կա Տերյանի այս խոսքերում, որ արդեն հուշում է «Երկիր Նաիրի» շարքի գեղագիտական մեկնակետը: Ռոմանտիզմի պոեզիայում հայրենիք և սուբյեկտ հասկացությունները գեղարվեստական պատկերի կառուցվածքում տակավին պահպանում են ողորդ հաղաքերական կախում: Որքան էլ ռոմանտիկները հայրենիքի գաղափարը գլխից փոխադրեցին սրտի մեջ, այնուամենայնիվ այստեղ նա հանդես է գալիս որպես բովանդակության տարր: Տերյանի հայրենիքը սուբյեկտի զգացողությունների լինելիությունն է և այս իմաստով այն ոչ թե բովանդակության տարր է, այլ ներքին ձևի հատկանիշ: «Եվ չեմ ազատվի դրանցից երևի մինչև վերջ,— գրում է բանաստեղծը Նվարդ Թումանյանին,— ինչպե՞ս ազատվես ինքդ քեզնից... Դուք երեսակայել չեք կարող, թե ինչպես է անցնում իմ վայնքը... ոչ թե անցնում է, այլ այրվում մի ներքին դառն կրակով, և ես անզոր եմ այդ կրակի դեմ և անօգնական: Եվ ես երբեմն մտածում եմ, որ դա ունեի իր խորին և վսեմ իմաստը: Զէ՞ որ այդպես, իմ հոգու նման այրվում է իմ երկիրը. «Իմ Նաիրին»— գուցե դրա համար է այրվում և իմ հոգին, որովհետև իմ հոգու մեջ «Նաիրյան չքնաղ հոգին» է այրվում»⁸: Երևույթի «խոր և վսեմ իմաստը» հենց հայրենիք և սուբյեկտ ունեցողությունների ներհյուսումն է, սրտի և գաղափարի ձուլումը, որը բանաստեղծական պատկերներին տալիս է երկպալան կառուցվածք, ուր հայրենիքը՝ արտաքին աշխարհի առարկայությունը, հանդես է գալիս որպես զգացմունքի խորհրդանիշ:

Մեկնաբանելով հայրենիքի պոետական սիմվոլը, Տերյանը նկատում է, որ «Նաիրի պետք է հասկանալ ոչ թե՞ պատմական, այլ իդեական իմաստով»: Պատմականի և փոքականի այս տարբերակումը որոշակի իմաստ ունի և համընկնում է նյութական ու հոգևոր Հայաստան հասկացություններին: «Երկիր Նաիրի» շարքի ըստ էության «հոգևոր Հայաստանի» բանաստեղծական խորհրդանիշն է, իսկ «հոգևոր Հայաստանը»՝ «Երկիր Նաիրի» պատմա-փիլիսոփայական կոնցեպցիան: Ըստ այդ կոնցեպցիայի Տերյանը ապահերոսականացնում է ավանդական հայրենիքը, պատմության պեյզաժից օտարելով կլասիցիզմի և ազգային ռոմանտիզմի ստեղծած միջերը՝ Արամ, Հայկ, Տիգրան, Արշակ, Վարդան, Սվարայր և այլն և հայտնաբերում հոգևոր մեծություն մեծությամբ իր միջը՝ Երկիր Նաիրին՝ հեղուկամբ, լուռ զոհաբերումի և երկնային աղոթքի գեղեցկությամբ՝ «Ինչպե՞ս չըսիրեմ հեգուկյամբ լցված Դու յոթնապատիկ խոցված Տիրամայր»: Էթնիկական կանչի հազարամյա հեռավորությունից կարծես լքվում է «մեղմ երգի», «զանգերի զոհանջի» տխուր մեղեդին և տեսիլքի պես հառնում է քնարական հայրենիքը՝ խորհրդավոր, ինքնաբավ ու անմեկնելի՝ «Մշուշի միջից,— տեսիլ դյուխական,— Բացվում է կրկին Նաիրին տրտում»: Վերհուշերի էկզոտիկ հեղում հայրենի եզերքը ձուլվում է իրիկնամուտի մուծին, «Թախծում են արոտ ու հերկ», «Երգում է զանգը լալիկան» և արևի վերջին շողերով ջերմանում է «մեղմ ու հիվանդ բարի մի մայր»: Իրականը հայտնվում է պատրանքի մեջ՝ «Վարծես թե դարձել եմ ես տուն», և անցած օրերի հեքիաթները վերստին կառուցում են մանկության երազների հրաշքը:

Նորից ես մանուկ եմ այսօր,
Դրախտ է ետից իմ հոգում,
Արևը ճանգում է հեղում,
Դեպի քաղաքանում է մշուշ,
Հեքիաքը անվերջ օրոհում,
Իլիկը խոսում է անուշ...

Նդեռնի արհամարհանքները տղերքական ծանր զգացողություններով տոգորեցին բանաստեղծի ներաշխարհը: Երկիր Նաիրի էկզոտիկ հեռապատկերը միազնվում է կոտորածի ու արյան սարսափներով՝ կլինի՝ արդյոք նաիրցին, կհնչի՝ արդյոք նաիրականը և մահվան տեսիլները հալածում են բանաստեղծի պատրանքները կործանման երկյուղի շարագուշակ տագնապներով՝ «Մի՛թե ես պիտի երգեմ քեզ օրոր իմ արքայական դնեմ գերեզման»: Սակայն «հոգևոր հայրենիքի» ուսուպիան ապագայի մեջ ուրվագծում է անկիզբի Փյունիկը՝ Երկիր Նաիրին և ոգի առած Լույս-Անցորդ-առաքյալը, շրջում է ավերված հայրենիքի արահատներով՝ ավետելու հարություն առավոտը:

Ուխտավոր անդուլ, դարերի ժառանգ
Մի նեպ ետերցի գնում եմ անկառգ,—
Թող գուժկան գիշերն ահաօտտ դավն—
Ուրման մաթը սև՝ այնքան ես համառ,
Երկիր, իմ երկիր, հավատով անմար,
Սուրբ է քո ուղին և պապերդ վեհ...

«Երկիր Նաիրի» շարքը հայ պոեզիայի անկրկնելի էջերից է: Տերյանը փոխաձեռնեց հայրենիքի ֆիզիկական ու հոգևոր պեյզաժի էսթետիկական համարձեցները և հայրենասիրական պոեզիան բարձրացրեց որակական նոր աստիճանի:

Բնորոշելով Տերյանի գրական-պատմական դերը, Ավ. Իսահակյանը նրկատում է, թե «Վահանի երևումով մեր քնարերգության մեջ մի նոր էջ բացվեց, նոր սեկնակետ՝ սիմվոլիզմը», իսկ Հ. Խումանյանը, միայն իրեն յուրահատուկ իմաստությամբ բնութագրելով, թե «սիմվոլիստները ձգտում են ստեղծել իրենց հեքիաթը» և միանգամայն աներկմիտ ընկալելով Տերյանի պոեզիայի ազգային ոգին, հաստատում է, թե «նրա թախիծն ու երազները, մշուշն ու աղջամուղջը խորթ չեն մեր երկրին ու մեր հոգուն»։ «Ես եղել եմ էն երկնքին մոտիկ լեռնադաշտում, ուր ծնվել է Տերյանը, և կարծես թե նա լիքն է էն մշուշային թախիծով ու քնքույշ երազներով, որ բնորոշում են մեր տահանգավոր բանաստեղծի քնարը: Վերջապես թախիծն ու երազը խորթ չեն հայի հոգուն, և մենք շատ երազկոտ ժողովուրդ ենք»²: Յուրացնելով համաշխարհային պոեզիայի զարգացման պատմության մեջ «մի ամբողջ հեղափոխություն» նշանակվորած գրական դպրոցի գեղագիտական սկզբունքները, Տերյանը, հիքրավի, նոր մակարդակի բարձրացրեց հայ բանաստեղծությունը, նրա առաջընթացը մերձեցնելով համաշխարհային պոեզիայի չափանիշներին: Նորը ամենից առաջ այն էր, որ արտաքին աշխարհի պատկերը անց է կացվում քնարական անհատի հոգու և մարմնի, նրա զգայությունների միջով, ըստ այդմ բանաստեղծական պատկերին տալիս լրացուցիչ չափում՝ օբյեկտի և սուբյեկտի հարաբերության հիմքի վրա: Այստեղ իսկ պատկերային կառուցվածքը գծագրվում է երկպլան ընթացքով, ուր արտաքին, էմպիրիկ աշխարհը առաջին պլանի վրա ներկայանում է որպես իրերի ետևում թաքնված ինչ-որ բանի սիմվոլ, այսինքն նեքերին աշխարհի՝ մադդկային հոգու սիմվոլ:

Դավուկ դաշտեր, մերկ անտառ...
—Մաճաղի տըխուր կյանք,
Անձրև, քամի, սև կամար...
—Մոտակաուր ճեկեկանք:

Տերյանը փոխակերպեց հայ պոեզիայի սեմանտիկական կարգը, ստեղծելով երևույթների իռացիոնալ, խորհրդավոր էությունն արտահայտող, բանաստեղծական մտքի շարժման առկախությունը, ականարկությունը, ալլաբանությունը բնորոշող բազմանշանակ և բանականորեն անվերծանելի խոսքի պոե-

2. Հ. Խումանյան, Երկրի ժողովածու, հ. 4, Երևան, 1951, էջ 453:

տիկա, հանգամանք, որ ուղեկցվեց բանաստեղծության հնչյունային կազմույթի և պոետական բառարանի միանգամայն նոր հայտնություններով: Միայն «Մթնշաղի անուրջներում» կարելի է առանձնացնել մի ամբողջ շարք բառեր, որոնք անհայտ էին XIX դարի բանաստեղծությանը՝ անկարեկից, վարսսթափ, նրբահյուս, հեռաժամլալ, գեղազանգուր, երկնահուպ, տխրադալուկ, օձանման, ուտվերապաճույճ, արծաթաճոճ, քնքշաբույր, ինքնահիացում և այլն: Իրերի ու երևույթների մեջ հայտնաբերելով իմաստային նոր ընկալումներ, Տերյանը հատկանիշ-վերագրերն էր փոխաձևեց ասոցիատիվ վերադիրով, առարկայի ֆիզիկական հատկանիշի փոխարեն ճանաչելով զգայական-հոգեբանական հատկանիշը՝ անկառեկից տանջանք, վհատության հեկեկանք, կապույտ մեզ, արծաթ հոսք, լույս հնչյուն, հեռաժամլալ անհայտ, գեղազանգուր երազ, անտրտուջ նինջ, հիվանդ կարոտ, տրտմության ժանյակ, սառած հեկեկանք, լուսն անրջանք, հրդեհավառ խորություն և այլն:

Իրպես մտածող և գեղագետ՝ Տերյանը մշտապես մտահոգ էր հայ գրականության հեռանկարների ողորմումով: Այս տեսակետից հատկապես բնորոշ է «Հայ գրականության գալիք օրը» դասախոսությունը (1914), որ նա առաջադրում է ազգային մշակույթի նորոգության մի ամբողջական ծրագիր: Արմատական նորոգության աճն կույր, որ աղբարարում էր Տերյանը, իր հիմքում ուներ պատմական շրջադարձի հոգեբանական անդրադարձը՝ «1905 թվի մակընթացությունն ու դրան հետևող տարիների ավերիչ ու հոգեպապի տեղատվությունը»: Ի՞նչ էինք մենք ետևել և ի՞նչ ենք այսօր հարցապահները ճակատագրական սրովթյամբ գրվում են հայ իդականության առաջ՝ կամ համաքաղ ընթանալ ժամանակի հետ, կամ կուլ գնալ դաժան մրցակցությանը: Եվ հիրավի տր մենք կանգնած ենք խոշոր, գուցե ճակատագրական գալիքի առջև», ասում է Տերյանը, մթնոլորտից կախելով տազնապալից հարցը՝ «Արդյո՞ք սա մի կուտուրական պատմաշրջանի վեոջն է, թե՞ մի ամբողջ կուտուրայի»:

Այս դիտակետից էր, ահա, Տերյանը առաջադրում «արժեքների վերագնահատության» իր դրույթը: Վերլուծելով XIX դարի հայ հասարակական մտքի բովանդակությունը, նա նկատում է, որ առաջմղիչ ուժը եղել է «ազգային գոյության, ազգային անկախացուց գաղափարը», որ հայրենիքի երգը հնչել է Նդիշեից ու հորենացուց միևնույն մեր օրերը, դարեր շարունակ գունավորել մտավորականության «միտքն ու երևակայությունը», մղել նրանց «հերոսական մարտիրոսության, դեպի անեղևակայելի լարումն հոգեկան ու նյութավոր էնեդգիայի»: Մեր ամբողջ կյանքի այս «հիվանդադին բնույթն» անշուշտ արդարացնում է գրականության իշխող ուղղությունը, սակայն ժամանակները միանգամայն նոր նշանաբան են առաջադրել ազգերի ապագա գոյության, որն ինքնին սուր կետի վրա է դնում հին ու նորի մաքառումը: «Ուրեմն մեր գրականությունը և հասարակական միտքը կատարել է մի շրջանառություն և այսօր կրիզիսի ժամն ենք ապրում մենք: Այն ժամը, երբ հինը դեռ չի անցել, բայց նորն էլ հաստատ ու ամուր չէ կանգնած ոտքերի վրա»⁹: Մերժելով «ազգային ուտիլիտարիզմն» ու ինքնագոհ «սեմինարիզմը», Տերյանը պահանջում էր հրաժարվել հին կաղապարներից և յորոնել սեփական, անհատական ոճ, քանզի «անկանգ առաջադիմությունը կյանքի և կուտուրայի ստեղծում է նոր ստիլ, որ հանդիսանում է մի առնակ էպոխայի արտահայտությունը, նրա հոգու գեղարվեստական պատկերը»: Սոցիալական ու քաղաքական հեղաբեկումները արմատական տեղաշարժեր են գուշակում մարդկության պատմության ընթացքում, ազգերը ներհյուսվում են կյանքի համաշխարհային շարժման մեջ՝ փոխակերպելով մեծ ու փոքր ազգերի հարաբերական կախումը, տեղի է ունենում «կուտուրական մի եղբայրական մերձեցում», որ ազգային գոյություն ու ինքնությունը ստուգվելու են հոգևոր արժեքների համամարդկային

9 Վ. Տերյան, Նրկերի ժողովածու, հ. 2, էջ 238:

10 Նույն տեղում, էջ 248:

ավանդի մեջ: Ուստի, ասում է Տերյանը, «մեր մոտավոր նպատակն է կուլտուրական մի ժողովուրդ լինել, այսինքն զարգացնել մեր ստեղծագործ ուժերը, այլ խոսքով, արտահայտել մեզ կյանքում, այսինքն մտնել կուլտուրական մարդկության գերդաստանը ոչ իբրև խորթ զավակ, կամ ծուլ ու խավար մի ստրուկ, ձուլել մեր կյանքը համամարդկային կյանքի հոսանքին, պահպանելով մեր հոգեկան առանձնահատուկ գծերն ու գույները: Այլ խոսքով՝ ունենալ մեր ինքնատիպ կուլտուրան, մեր ստեղծագործական բաժինը հանուր մարդկային ստեղծագործության մեջ»¹¹:

¹¹ Նույն տեղում, էջ 275—276: